

اصحى يا نايم

Wake Up !!

د/مصطفى زلايد



# ::: اصحى يا نايم :::

مُستعد؟؟ ..... ٣ 

ليه كل ده؟؟ ..... ٧ 

نستعد إزاي؟؟ ..... ٢٤ 

هتصوم؟ ولأ زي كل سنة؟؟ ..... ٤٠ 

إوعى تكون مُسلسل!! ..... ٤٨ 

من هنا البداية ..... ٥٢ 

همّة عالية ..... ٥٥ 

قبل الختام ..... ٦٢ 

**جمع وترتيب**

**د/ مصطفى إبراهيم زايد**

رقم الإيداع

دار النعيم  
للنشر والتوزيع

٠١٠٣٤١٨٧٨٤



## مُسْتَعِد ؟؟؟

﴿ لما الواحد فينا بيكون غايب عنه حد بيحبه أوي ،  
وبقاله كام شهر مستتية بييجي بفارغ الصبر ..

بتلاقيه عمال يفكر؛ يا ترى هقابله في المطار إزاي؟؟  
أنا لازم أجهز كل حاجة علشانه .. ده من أعز الناس  
عليا .. هو أنا ضامن أشوفه تاني ..؟؟!!

﴿ ولما يكون المنتخب عنده ماتش مهم - مع موزمبيق  
مثلاً :- ) - بيقعدوا يجهزوا من قبلها بشهر ..  
ويعملوا معسكرات فى ألمانيا وإيطاليا وفرنسا والدنيا  
بتبقى مقلوبة .. !!

﴿ لو تأملت ؛ هتلاقي إن أي حدّث مهم في الدنيا ،  
الناس بتجهز له وبتستعد له .. وعلى قدر أهمية الحدث  
ده ؛ بتكون الإستعدادات والتجهيزات أكبر وأكبر ..

« طيب .. يا ترى إحنا إستعدينا إزاي لأهم حدث  
في السنة كلها ؟؟؟؟؟؟

« إستعدينا إزاي لأضخم أوكازيون حسنات ورحمة  
ومغفرة في السنة كلها ؟؟؟؟؟؟

« إستعدينا إزاي لأخطر فرصة في عمرنا كله ؟؟؟؟



يا ترى يا شباب ..

## ماذا أعددنا لرمضان؟؟؟؟؟

« وحالاً .. هتلاقي ناس بترد وتقول :

يااااااااااااااااااه .. إحنا فين ورمضان فين ..؟؟!

« وناس تانية حتى لو فاضل كام يوم على رمضان

تقولك : يا عم لسه بدري ..!!

لما يبجي رمضان يبقى ربنا يحلها !!!

وللأسف الكلام ده على لسان كتيييبيير منا ..!!

« يا شباب .. لو أي لاعب في أي مباراة ماسخّش

قبل ماينزل الملعب؛ بيجيله شدّ عضلي في أول ٥ دقائق!

إذا كان ده كلامنا ودي أحوالنا قبل رمضان ؛ ليه

بنستغرب بقى إننا مش بنقدر نكمّل رمضان بنفس

الروح والعزيمة اللي الكل بيبدأ بيها أول الشهر ..؟؟

متستغربوش .. ما هو إحنا ماإستعدينا شح قبل

رمضان ، فكان لازم يحصل كده في رمضان !!







➔ **إنما لما يكون الواحد داخل على شهر رمضان ؛**

**يبقى لازم يفوووووق ..** لازم يصحى من النوم اللي

هو فيه طول السنة .. لما تلاقي الدنيا كلها بتستعد

لرمضان وإنت نائم ، يبقى إنت اللي فيك حاجة غلط!

« الناس العاديين بيستعدوا لرمضان من قبلها بشهور

ويخزنوا التمر والياميش وما لذ وطاب من الأكل ..

« وكذلك التجار ، كلهم بيستعدوا ويجهزوا لرمضان

« التليفزيون .. وما أدراك ما التليفزيون ؟؟

الفنانين والفنانات وأصحاب البرامج ، كله بيستعد

لرمضان يمكن من قبلها بسنة كاملة !! وتلاقي نفسك

قدام أكثر من ١٠٠ مسلسل وألف برنامج ترفيهي

ومسابقات وفوازير والذي منه !! إستعداد رهيب !!

« ده حتى الشياطين بتستعد لرمضان !!

تلاقي الشيطان بيبدل أقصى جهد علشان يوقعك في

معصية قبل رمضان متفوقش منها غير بعد فوات

الشهر المبارك .. وكذلك بيبدلوا أقصى جهد في تجنيد

شياطين الإنس علشان يبعدوك بأي وسيلة عن الطاعة

في رمضان .. !!

**الدنيا كلها بستسعد .. يا ترى إنت إستعدت إزاي ؟**



## ليه كل ده ???

► ناس كتير هتسأل وتقول : إحنا عارفين إن شهر رمضان شهر بركة وإيمانيات وكل حاجة .. بس ؛  
 ◀ لبيبيبيبييه كل ده ؟؟؟؟؟؟؟؟؟

ليه الإهتمام الزيادة أوي ده بـرمضان ???  
 اشمعنى رمضان اللي عمالين تقولوا لازم نستعد ليه ونجتهد فيه ونموت نفسنا من الطاعة والعبادة ??

◀ تعالوا نعرف مع بعض ليه لازم نستعد لرمضان؟  
 وليه كل الإهتمام ده بـرمضان ..??

♥ لأن شهر رمضان ليه فضائل ومميزات لو عرفتھا ؛ هتعرف قد إيه إنت لازم تستعد له ..!!  
 هتعرف قيمة رمضان وقدره الحقيقي ..!!  
 هتعرف إن الثانية فيه من ذهب .. بل أغلى والله ..!!  
 تعالوا يا إخواني نشوف بعض فضائل شهر رمضان:







## ١ - شهر البركة :

قال رسول الله ﷺ :

( أتاكم رمضان شهر مبارك .... ) صححه الألباني  
وقال ﷺ أيضاً : ( رمضان شهر مبارك ) صححه الألباني  
رمضان شهر بركة .. بركة في كل حاجة ..

## ٢ - شهر تسلسل فيه الشياطين :

« قال رسول ﷺ : ( أتاكم رمضان شهر مبارك  
فرض الله عز وجل عليكم صيامه تفتح فيه أبواب  
السماء وتغلق فيه أبواب الجحيم ، وتغلّ فيه مردة  
الشياطين ، لله فيه ليلة خير من ألف شهر ، من حُرّم  
خيرها فقد حُرّم ) صححه الألباني

وقال ﷺ : ( إذا دخل شهر رمضان فُتحت أبواب الجنة  
وُعُلقت أبواب جهنم و سُلسلت الشياطين ) متفق عليه  
بقالك ١١ شهر بتقول الشيطان الشيطان ..  
أهو الشياطين إتسلسلت يا سيدي ..

**يانرى إيه اللي هيخليك نعصي ربنا بعد كده ؟؟**

**استغل بقى الفرصة دي علشان نصلح نفسك ..**



### ٣- تُفتح فيه أبواب الجنة و تُغلق فيه أبواب الجحيم:

« قال رسول ﷺ : ( إذا دخل شهر رمضان فُتِّحت أبواب الجنة و غُلِّقت أبواب جهنم ) متفق عليه  
 أبواب النار كلها مقفولة .. اللهم لك الحمد ..  
 وأبواب الجنة كلها مفتوحة قدامك ..

### يائري هنلحق كام باب فيها ..؟؟

- ♥ ولو لاحظنا الأحاديث دي .. هنلاقي ورد فيها ٣ روايات .. كل واحدة بلفظ مختلف ..
- ① أول رواية : "تفتح فيه أبواب السماء" ← إشارة إلى إستجابة الدعاء ..
  - ② وتاني رواية : "تفتح فيه أبواب الجنة" ← إشارة إلى الخير والبركة والحث على التنافس والمسارة في الطاعة ..
  - ③ والرواية الثالثة : "تفتح فيه أبواب الرحمة" ← إشارة لكثرة الرحمة والعفو والمغفرة ..





### ٤ - شهر صيام = ثواب سنة صيام :

« قال رسول ﷺ : ( صيام شهر رمضان بعشرة أشهر ، و صيام ستة أيام بعده بشهرين ، فذلك صيام السنة ) صححه الألباني  
 ٣٠ ( رمضان ) + ٦ ( من شوال ) = ٣٦٠ .... !!

### ٥ - شهر تكفير الذنوب والخطايا :

« قال رسول ﷺ : ( الصلوات الخمس ، و الجمعة إلى الجمعة و رمضان إلى رمضان ، مَكْفِرَات لِمَا بَيْنَهُنَّ إِذَا اجْتَنَبْتَ الْكَبَائِرَ ) رواه مسلم

### ٦ - شهر الصلوة بين السماء والأرض :

أنزل الله في رمضان كلامه وكتبه وخاطب فيه خلقه ..  
 « قال رسول ﷺ : ( أنزلت صحف إبراهيم أول ليلة من شهر رمضان ، و أنزلت التوراة لست مضت من رمضان ، و أنزل الإنجيل بثلاث عشرة مضت من رمضان ، و أنزل الزبور لثمان عشرة خلت من رمضان ، و أنزل القرآن لأربع وعشرين خلت من رمضان ) حسنه الألباني



« وقال تعالى : ( شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ ) البقرة: ١٨٥

♦ والشهر اللي أنزل فيه القرآن لا بد أن له مكانة عظيمة بين الشهور .. فرب العزة لا يختار الأوقات بدون حكمة أو معنى .. تعالى سبحانه عن ذلك علواً كبيراً ..

### ٧ - كل يوم وليلة في رمضان فرصة للعتق من النار :

« قال رسول ﷺ : ( إذا كان أول ليلة من شهر رمضان صُفدت الشياطين ومردة الجن ، وغلقت أبواب النار فلم يُفتح منها باب ، وفتحت أبواب الجنة فلم يُغلق منها باب ، وينادي مناد كل ليلة : يا باغي الخير أقبل ، ويا باغي الشر أقصر ، ولله عتقاء من النار ، وذلك كل ليلة ) صححه الألباني

« وقال ﷺ : ( إن لله تبارك وتعالى عتقاء في كل يوم وليلة - يعني في رمضان - وإن لكل مسلم في كل يوم وليلة دعوة مستجابة ) صححه الألباني

**إنت عارف يعني إيه العتق من النار؟؟؟**



﴿ تخيل نفسك إنك عبد عند فلان من الناس ..  
لو أعتقك ، يبقى إنت بقيت حرّ خلاص .. والإنسان ده  
مبقاش له ولاية عليك ..

◀ وكذلك النار .. قال تعالى :

﴿ مَا أَوْلَتْكُمْ النَّارُ هِيَ مَوْلَانَكُمْ وَيَسَّ الْمَصِيرُ ﴾ الحديد: ١٥

يعني العتق هو الخروج من هذه الولاية .. يعني النار  
متكونش هي مولاك ..

◀ وفي آيات أخرى يقول تعالى :

﴿ أُولَئِكَ أَصْحَابُ النَّارِ هُمْ فِيهَا خَالِدُونَ ﴾ البقرة: ٣٩

فالعتق: هو التخلي عن هذا الملك ، ملكية النار للإنسان

﴿ ربنا بيقول : ﴿ فَمَنْ زُحِّحَ عَنِ النَّارِ وَأُدْخِلَ

الْجَنَّةَ فَقَدْ فَازَ ﴾ آل عمران: ١٨٥

العتق من النار يعني خلاص .. مفيش عذاب !

﴿ يا نرى يا شباب هنعمل إيه في الشهر ده

علشان نكون من عتقاء الله من النار .. ???



## ٨- [٣] فرص في شهر واحد لمغفرة ما تقدم من ذنبك

« قال رسول ﷺ : (من صام رمضان إيماناً واحتساباً، غُفر له ما تقدم من ذنبه) متفق عليه  
 وقال ﷺ : (من قام شهر رمضان ، إيماناً واحتساباً، غُفر له ما تقدم من ذنبه) متفق عليه  
 وقال ﷺ : (ومن قام ليلة القدر إيماناً واحتساباً، غُفر له ما تقدم من ذنبه) متفق عليه

➤ ٣ فرص قدامك علشان تتغفر ليك ذنوبك والبلاوي السودا اللي إرتكبتها طول السنة ..

➤ ٣ فرص علشان تتطهر من ماضيك وتبدأ صفحة جديدة " على بياض " ..

◀ حد عاقل يفوت الفرص العظيمة دي ..؟؟

## ٩- شهر فيه ليلة القدر :

« ليلة عبادتها خير من عبادة ألف شهر ..

قال تعالى : (لَيْلَةُ الْقَدْرِ خَيْرٌ مِّنْ أَلْفِ شَهْرٍ) القدر: ٣

عبادة في ليلة واحدة ثوابها أفضل من عبادة ٨٣ سنة! ده ايه الثواب الرهيب ده!! يا رحمتك وكرمك يارب!



« قال رسول ﷺ : ( إن هذا الشهر قد حضركم ، وفيه ليلة خير من ألف شهر ، من حُرّمها فقد حُرّم الخير كله ! ولا يُحرم خيرها إلا محروم ) صححه الألباني

● **عشآن كده** لازم تجتهد في العشر الأواخر من الشهر عشآن تدرکها بإذن الله ، ومتكونش من المحرومين من الخير والثواب العظيم ده ..

### ١٠ - شهر لك فيه كل يوم دعوة مستجابة :

« قال رسول ﷺ : ( إن لله تبارك وتعالى عتقاء في كل يوم وليلة - يعني في رمضان - وإن لكل مسلم في كل يوم وليلة دعوة مستجابة ) صححه الألباني

وقال ﷺ : ( ثلاث دعوات مستجابات ؛ دعوة الصائم ، و دعوة المظلوم ، و دعوة المسافر ) صححه الألباني

● **قول يارب ..** في موسم الطاعة والبركات دي كلها قول يارب .. أطلب ما تشاء .. أكيد كلنا عندنا مشاكل وهموم وطلبات .. إرفع ايدك وقول يارب وإنت كلك يقين إن دعاءك مستجاب ..

♥ **قول يارب** اغفر لي ما مضى .. وتقبل مني ما هو كائن .. وثبتني في ما هو قادم .. برحمتك يارب ..



• أنت متخيل الفضائل اللي فاتت دي كلها ..

**حد صمّن يعرف الفضائل دي كلها ويضيعها؟**

• ده كل ده شئ بسيط ..

**ده إنت عارف أصلاً إيه هو ثواب الصيام لوحدته؟**

**1 الصوم عمل ليس له مثل :**

« قال رسول ﷺ :

( عليك بالصوم فإنه لا مثل له ) صححه الألباني

**2 ثواب الصوم لا يعطه إلا الله :**

« قال رسول ﷺ : ( كل عمل ابن آدم له ،

إلا الصيام ، هو لي ، وأنا أجزي به ) متفق عليه

**3 الصوم يشفع لك يوم القيامة :**

« قال رسول ﷺ : ( الصيام والقرآن يشفعان للعبد

يوم القيامة ؛ يقول الصيام أي رب ، منّعتك الطعام

والشهوة فشفعني فيه ، ويقول القرآن منّعتك النوم

بالليل فشفعني فيه ، قال فيشفعان ) صححه الألباني

**4 الصيام يبعدك عن النار :**

« قال رسول ﷺ : ( من صام يوماً في سبيل الله

بعد الله وجهه عن النار سبعين خريفاً ) متفق عليه





### 5 الصيام يدخلك الجنة :

« قال ﷺ : ( من خَتِمَ له بصيام يوم دخل الجنة )

### 6 الفوز بالدخول من باب الريان في الجنة :

« قال رسول ﷺ : ( في الجنة ثمانية أبواب منها باب يسمى الريان لا يدخله إلا الصائمون ) متفق عليه

### 7 الصيام يجعلك من الصديقين والشهداء :

« جاء رجل إلى النبي ﷺ فقال يا رسول الله :  
( أ رأيت إن شهدت أن لا إله إلا الله وأنك رسول الله  
وصليت الصلوة الخمس وأديت الزكاة وصمت  
رمضان وقمته ؛ فممن أنا ؟؟؟ ) قال النبي ﷺ :

من الصديقين والشهداء ( صححه الألباني

### 8 مضاعفة الحسنات أكثر من ٧٠٠ ضعف :

« قال رسول ﷺ : ( كل عمل ابن آدم يضاعف  
الحسنة بعشر أمثالها إلى سبعمائة ضعف ، قال الله  
تعالى : إلا الصوم ، فإنه لي وأنا أجزي به ) متفق عليه

### 9 الفوز بثواب الصابرين :

« قال رسول ﷺ : ( شهر الصبر رمضان ) صححه الألباني

وقد قال الله تعالى عن ثواب الصابرين :

(إِنَّمَا يُؤْتَى الصَّابِرُونَ أَجْرَهُمْ بِغَيْرِ حِسَابٍ) الزمر: ١٠



## شوفت ثواب الصيام لو حده قد ايه ؟؟؟؟

⊖ لازم ياذن الله ناخذ النوي دي كلها ونجدد نيتنا كل شوية وإحنا صايمين ، علشان نضاعف الثواب والأجر عند الله عز وجل ..

« أنت تعرف بقى إن السحور هو كمان ليه ثواب ؟  
 « قال رسول ﷺ : (السحور كله بركة فلا تدعوه ولو أن يجرع أحدكم جرعة من ماء ، فإن الله عز وجل وملائكته يُصلّون على المتسحرين ) حسنه الألباني

## « يا أخواني .. رمضان فرصة العمر والله ..

فرصة لو ضيعتها ، يبقى تستاهل إنك تدخل في الناس اللي ورد فيهم حديث النبي ﷺ :

( أتاني جبريل ، فقال : يا محمد ! من أدرك أحد والديه فمات فدخل النار فأبعده الله ، قل : آمين ،

فقلت : آمين ، قال : يا محمد ، من أدرك شهر

رمضان فمات فلم يُغفر له فأدخل النار فأبعده الله ،

قل : آمين ، فقلت : آمين ، قال : ومن ذكرت عنده

فلم يصل عليك فمات فدخل النار فأبعده الله ،

قل : آمين ، فقلت : آمين ) صححه الألباني



« وفي رواية ثانية ، قال رسول ﷺ :  
 (رَغِمَ أَنْفُ رَجُلٍ ذُكِرَتْ عِنْدَهُ فَلَمْ يُصَلِّ عَلَيَّ ،  
وَرَغِمَ أَنْفُ رَجُلٍ دَخَلَ عَلَيْهِ رَمَضَانَ ثُمَّ انْسَلَخَ قَبْلَ أَنْ  
 يُغْفَرَ لَهُ ، وَرَغِمَ أَنْفُ رَجُلٍ أَدْرَكَ عِنْدَهُ أَبْوَابَ الْكَبِيرِ أَوْ

أحدهما فلم يدخله الجنة ) صححه الألباني

☛ أنت عارف يعني إيه الكلام ده ؟؟

◀ رَغِمَ أَنْفٌ .. يعني أنفك تتحط في التراب ؟؟ ليه ؟؟

لو دخل عليك رمضان وربنا لم يغفر لك !!

أصل ده موسم الرحمة .. أوكازيون العتق والمغفرة ..

إنت عارف في الحديث الأول مين اللي بيدعي ..؟؟

ده سيدنا جبريل هو اللي بيدعي عليك والنبي ﷺ بيأمن

على دعاءه .. والدعاء بآيه ؟؟ بالبعد ودخول النار ،

بالخسران على اللي هيجي عليه رمضان ومش

هيتغفر ليه ؟؟ عارف لبييه ؟؟

لأن رمضان أعظم فرصة في حياتك ..

لو ضيعتها يبقى تستاهل فعلاً تبقى من الخاسرين !!

« يا ترى تفكيرك إنغير عن رمضان ولا لسه ؟؟

يا ترى هتكون من الفائزين ولا من الخاسرين ؟؟



« خذ عندك كمان ..

**انت تعرف ان اللي هيدرك شهر رمضان ، ممكن**

**يدرك منزلة أعلى من منزلة الشهيد في الجنة ؟؟**

☑ أيوه ..الكلام ده بجد .. تعالى بس الأول نشوف

حديث واحد في منزلة الشهيد ..

« قال رسول ﷺ : ( للشهيد عند الله سبع خصال :

يُغفر له في أول دفعة من دمه ، ويرى مقعده من

الجنة ، ويُحلى حلة الإيمان ، ويُزوج اثنين وسبعين

زوجة من الحور العين ، ويُجار من عذاب القبر ،

ويأمن من الفرع الأكبر ، ويُوضع على رأسه تاج

الوقار ؛ الياقوتة منه خير من الدنيا وما فيها ،

ويشفع في سبعين إنساناً من أهل بيته ) صححه الألباني

**👉 يا نهار أبيض .. !! ده إيه ده كله ؟؟ !!**

دي منزلة فعلاً مستحقهاش غير اللي حارب وقاتل

في سبيل الله واستشهد .. منزلة عظيمة جداً!!!!!!..!

« تخيل بقى إنك باجتهادك في شهر رمضان

**ممكن توصل لمنزلة أعلى من منزلة الشهيد ؟؟**



« عن طلحة بن عبيد الله : ( أن رجلين قدما على رسول الله ﷺ وكان إسلامهما جميعاً ، فكان أحدهما أشد اجتهاداً من الآخر ، فغزا المجتهد منهما فاستشهد ، ثم مكث الآخر بعده سنة ثم توفي ، قال طلحة : فرأيت في المنام بينما أنا عند باب الجنة ؛ إذا أنا بهما ، فخرج خارج من الجنة ، فأذن للذي توفي الآخر منهما ، ثم خرج فأذن للذي استشهد ، ثم رجع إليّ ، فقال ارجع فبتك لم يأن لك بعد ، فأصبح طلحة يحدث به الناس فعجبوا لذلك ، فبلغ ذلك رسول الله ﷺ وحدثوه الحديث ، فقال ﷺ : من أي ذلك تعجبون؟؟ فقالوا يا رسول الله: هذا كان أشد الرجلين اجتهاداً ثم استشهد ودخل هذا الآخر الجنة قبله!! فقال رسول الله ﷺ : أليس قد مكث هذا بعده سنة؟؟ قالوا بلى ، قال: وأدرك رمضان فصام وصلى كذا وكذا من سجدة في السنة؟؟ قالوا بلى ، قال رسول الله ﷺ: **فما بينهما أبعد مما بين السماء والأرض** ) صححه الألباني

« سبحان الله .. الفرق ما بينهم في الجنة أبعد مما بين السماء والأرض .. مع إن الرجل الثاني لا حارب ولا استشهد؛ ولكن النبي قال إنه أدرك رمضان واجتهد فيه



﴿ يا حبيب قلبي .. هو شهر واحد .. ﴾

يا أختي هو شهر واحد ..

شهر واحد هنصبر فيه وربنا بفضله وكرمه هيفتح

علينا ويعطينا عطاءات وثواب لا نتخيله ..

﴿ لو قولتلك يا أخي : شهر واحد هتشتغل فيه وتأخذ أكبر مبلغ هتاخده في حياتك، هتصبر الشهر ده ولا لا؟ لو سألتك يا أختي : شهر واحد تذاكري فيه وتحصلي على أعلى شهادة علمية في الكون هتجتهدى ولا لا؟؟ ﴾  
 « أهو أنا بقولكم شهر واحد نصبر فيه وناخد كل الثواب والرحمة والمغفرة دي ..

﴿ هنصبر ولا لا يا شباب بعد ما عرفنا خطورة

وأهمية شهر رمضان...؟؟؟

﴿ لما تعرف إن الصحابة والسلف الصالح كانوا بيدعوا ربنا قبل رمضان ب ٦ شهور إنه يبلغهم رمضان .. وبعد شهر رمضان ما يعدي .. يفضلوا يدعوا ربنا بقية السنة إنه يتقبل منهم أعمالهم في رمضان..يعني رمضان كان محور حياتهم طول السنة



« الناس دي عرفت يعني إيه رمضان ؛ فكان لازم تبقى دي أحولهم قبل وبعد رمضان ..

### يا ترى مين فينا اللي هيبقى زيهم ..؟؟

مين فينا اللي هيقدر الموسم العظيم ده ويعطيه حقه ..  
مين فينا اللي الشيطان مش هيضحك عليه ويخليه يقعد يسوف لغاية ما الشهر يعدي وهو لسه غافل ..

➔ **أنا عايزك تفتكر كويس :**

⊖ **إنت لو ربنا أحيك لحد رمضان يبقى إنت أخذت فرصة متخيلهاش ..!! هتقول ليه ..؟؟**

« هقولك : كام واحد من أصحابك أو من قرايبك مات قبل رمضان ..؟؟؟ كام صفحة كل يوم في الجرايد نعي لناس ماتت قبل رمضان ..؟؟؟  
- فلو ربنا بلغك رمضان ، لازم تحس بقيمة النعمة دي .. وتشكرها حق شكرها بإنك تستغلها أحسن إستغلال وتكون من الفائزين برحمت ربنا والعتق من النار في الشهر المبارك ده .. " (١)

(١) - ما بين القوسين "" مقتبس بتصرف من محاضرة فرسان رمضان للدكتور حازم شومان ..




✓ لازم تجتهد وتجيب أقصى جهد عندك ..

عارف ليه ؟؟

◀ لأنك متعرفش .. هل متعيش لرمضان اللي جاي  
ولا لا ؟؟؟ إنت مش ضامن عمرك للسنة الجاية !!  
ممكن يكون ده آخر رمضان في حياتك ... !!  
▶ خلي الكلام ده في بالك على طول .. علشان متسوفش  
ويكون حافز ومُنشَط لِيك على الطاعة في رمضان ..  
وخلي شعارك السنة دي :

لِيْن ادرُكْت رمضان .. لِيَرِيْن الله ما اصنع







## نستعد إزااااي؟؟

◀ كل سنة يبدأ رمضان .. و تقول هختم القرآن ١٠ مرات ، و في النهاية تنتهي بختمة واحدة أو ممكن متكلمش ختمة حتى !!

◀ و تقول هصلي التراويح كاملة بجزء و جزئين و إحتمال أكمل الصلاة مع نفسي في البيت ، ومع ذلك تكسل و ممكن متكلمش ركعتين في التراويح !!

◀ تقول لا يمكن عيني تلمح فيلم ولا مسلسل ، ومع ذلك تضعف و تقع في المعاصي !!!

◀ تقول أنا هكون أحسن واحد و هصلي كل الفروض صف أول جماعة أولى في المسجد و بعدها تفرط في المطالب دي .. !!

◀ تقول رمضان ده هيكون بداية إلتزامي ، ولكن للأسف أول ما رمضان يخلص تنسى كل ده .. !!

◀ و تندم بعد رمضان لما تلاقي فلان و فلان ختموا كام ختمة وصلوا التراويح بجزئين و تصدقوا و عملوا كل الخيرات ، و إنت كنت موجود معهم بس سبقوك! مع إن مفيش فرق كبير بينك وبينهم .. !!!



« كما مرة عدى عليك رمضان و قولت :  
 " لن أدركت رمضان المُقبِلَ ليرينَّ اللهُ ما أفعل "   
 ويعدّي رمضان ومتعملش أي حاجة !!

### ح ليه بيحصل كده ؟؟؟؟

« علشان إحنا مستعديناش صح .. علشان إحنا مش متعودين على حاجات كثير من العبادات دي ، ماينفعش نيجي مرة واحدة في رمضان ونقول إحنا عايزين نعمل كل حاجة ، ولما نلاقي نفسنا ماعملناش ، غصب عننا يجلنا إحباط ونقول هو إحنا كده !! ومفيش فينا أمل ومش نافعين !!!

« لو سألته : عندك كام سنة دلوقتي ؟؟؟

طيب .. عدى علينا كام رمضان وضيعناه ؟؟؟

« فكرت في الأسئلة دي قبل كده ؟!

طيب، تخيل معايا إنك لسه بنتولد من جديد دلوقتي حالا  
 « إيه العيوب اللي نفسك تصلحها في نفسك ؟!  
 « إيه أكثر ذنب بتعمله وقرفاااااااااا ان منه جداً  
 ونفسك ترتاح منه ؟!



◀ إيه أكثر حاجة حلوة كان نفسك تعملها زمان بس  
 لسه معملتهاش لغاية دلوقتي؟!  
 ◀ إيه رأيك من رمضان السنة دي نبتدي صفحة  
 جديدة في حياتنا؟!  
 ◀ نفسنا نغير حاجات كتير .. نعمل حاجات كتير ..  
 مش كده؟!

☑ طيب ما تيجي نخلى شعارنا من دلوقتي :

## رمضان السنة دي .. هيغير حياتي !!

◀◀ عايزين نتغير بجد بقى .. عايزين نبتدي بداية  
 جديدة مع ربنا .. كل واحد فينا يفكر إيه اللي نفسه  
 يعملها ، وإيه اللي لازم يغيره في حياته .. ويحط في  
 دماغه إنه هيخرج من رمضان إنسان جديد ..

◀◀ من الآخر .. رمضان السنة دي هيكون رمضان  
 مختلف تماماً .. ومفيش حد أحسن مني ، ومفيش حد  
 هيسبقني .. رمضان السنة دي هيكون بداية التزامي  
 بإذن الله .. رمضان السنة دي مش هيعدي إلا وبإذن  
 الله هيكون إتغفر لي كل ذنوبي ..

البلد إتغيرت وأنا كمان لازم أتغير ..  
 رمضان السنة دي هيكون غير أي رمضان فات ..



« أيوه .. مفيش شهوة هتقيدني ولا ذنب هيبعدي  
عنك يارب .. ورمضان السنة دي ببساطة هيكون هو  
بداية التغيير الحقيقي في حياتي .. »



« **وعشان كل ده يتحقق .. لازم نتسعد صح**  
لرمضان من دلوقتي .. أيوه من دلوقتي .. حالا ..  
أيأ كان الوقت اللي الكتيب ده وصلك فيه .. إبدأ استعد  
وحتى لو وصلك وإنت في رمضان ؛ إوعى تياس ..  
واستعن بالله وجدد نيتك واجتهد في الطاعة .. »

### « **طيب إحنا بنقول الكلام ده ليه من دلوقتي؟! »**

« **عشان لازم تكون النية دي في قلوبنا من دلوقتي**  
وعشان ربنا يرى في قلوبنا صدق وعزم حقيقي ..  
ممكن واحد مننا يموت بكرة .. أو بعده .. محدش عارف!  
فلو ماكنش عنده النية إنه يتغير ويتوب ، هيموت على  
حالته السيئة اللي عايشها دلوقتي للأسف : )  
لكن لو كانت عنده النية من دلوقتي ، ومات قبل  
رمضان ؛ فبإذن الله ربنا هيكتب له الأجر .. »





- ✓ توبة من كل حاجة عملناها مترضيش ربنا ..
  - ✓ توبة من كل معصية ارتكبتها في سر أو علن ..
  - ✓ توبة من الغفلة والتقصير وطول الأمل ..
  - ✓ توبة شاملة وإن شاء الله تكون نصوح ..
  - ✓ توبة نبدأ بيها صفحة جديدة مع ربنا ..
- ويقيننا يارب إنك هتقبلنا ، ومش بس كدا ؛ بل هتفرح بتوبتنا كمان .. أيوه ده يقيننا ؛ لأنه أخبرنا بيه النبي ﷺ
- ◀ قال ﷺ : ( **لله أفرح بتوبة عبده .....** ) متفق عليه

♥ ياللا نرجع ونتوب لربنا حبيبنا اللي بيناديننا :

(قُلْ يَاعِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ)

الزمر: ٥٣

♥ مهما كانت ذنوبك ومعاصيك ، إوعى تياأس أبداً ..

باب التوبة مفتوح .. وربك هيقلبك لو رجعتله ومعاك ذنوب قد الكون كله .. بس إنت إرجع ..

**بس إنت إرجع بقلبك وقول : راجعك يارب ..**

**بس إنت توب وأقلع عن الذنب وإندم عليه ..**



♥ قال تعالى : ( وَمَنْ يَعْمَلْ سُوءًا أَوْ يَظْلِمْ نَفْسَهُ

ثُمَّ يَسْتَغْفِرِ اللَّهَ يَجِدِ اللَّهَ غُفُورًا رَحِيمًا ) النساء: ١١٠

♥ وقال تعالى في الحديث القدسي :

( يا ابن آدم إنك ما دعوتني ورجوتني غفرت لك على

ما كان منك ولا أبالي ) حسنه الألباني

☑ ياللا نقوم دلوقتي نتوضأ ونصلي ركعتين لله عز وجل بنية التوبة النصوح من كل المعاصي بكل أشكالها ، وفي السجود نبكي ونتذلل لله إنه يساعدنا في التوبة ، ويعيننا عليها ، ويثبتنا مهما واجهنا من فتن وإبتلاءات ..

## ② الدعاء :

► سلاح رهيب في أيدينا كلنا ؛ ولكن للأسف بنغفل عنه !! أقسم بربي لو عرفنا قدر الدعاء لتغيرت حياتنا ولتغير حال الأمة كلها للأفضل بإذن الله ومشيتته ..

► إنت كده كده فقير ضعيف ذليل إلى الله وعلى طول محتاج أشياء كتير ومهما أخذت بالأسباب فلا بد إنك تطلب العون من رب الأسباب عن طريق الدعاء ..



• أنت تعرف إن اللي مش بيدعي ربنا بيحصله إيه؟  
 ◀ ربنا بيغضب عليه !!! قال رسول ﷺ :  
 (من لم يسأل الله يَعْضَبْ عليه) صححه الألباني  
 ومن أهم الأدعية اللي لازم تدعوا بيها في الفترة دي :

◀ اللهم يا حي يا قيوم برحمتك أستغيث أصلح لي  
 شأني كله ولا تكلني إلى نفسي طرفة عين ..  
 ◀ اللهم يا مقلب القلوب ثبت قلوبى على دينك ..  
 ◀ اللهم بلغنا رمضان ، اللهم سلمنا إلى رمضان ،  
 وسلم لنا رمضان ، وتسلمه منا متقبلا ..



﴿ ثم لو سألنا نفسنا بعد كده :  
 إيه الحرجة عايزين نجتهد فيها في رمضان ؟؟

هتكون الإجابة : **صيام** و **قرآن** و **قيام** ..  
 دول أبرز العبادات ، وداخل في القيام الدعاء ، وعندنا  
 كمان الصدقات وأعمال البر ؛ بس دول زي ما قولت  
 أبرز العبادات .. وعلشان كده هنركز عليهم ..







◀ بعدها تيجي مرحلة التلذذ بالطاعة ..  
 أنا مستمتع بالعبادة وفرحاً!!!!!! ان إني بعملها ..  
 ♥ ودي بقى حاجة تانية خالص :) ، يعني هتقوم الليل  
 بحب وبقلب مشتاق للقيام .. هتعبد ربنا بحب وبقنب  
 يقظ مدرك متعلق بالله ﷻ ، ودي بقى اللي بنقول عنها :  
**" من ذاق عرف ، ومن عرف اغترف "**

♥ يعني بعد كده مش هتقدر تفوت ليلة واحدة من  
 غير قيام ... كان أحد السلف من التابعين بيقول :  
**" جاهدت نفسي في قيام الليل سنة ،  
 وتلذذت به عشرين سنة "**

◀ يا!!!!!! اه .. الناس دي عرفت ربنا وعرفت يعني  
 ايه قرب ! سنة بيجاهد نفسه علشان يوصل ..  
 مش إحنا اللي مستكترين كام شهر قبل رمضان !!  
**C دي كانت أول ملاحظة .. والهدف منها ايه؟؟**

◀ عايزين ندخل رمضان وإحنا بنتلذذ بالطاعة ،  
 عايزين نتذوق القرآن ونتذوق الصلاة ونتذوق الصيام .  
 ◀ عايزين نصبر يا شباب ، الموضوع مش بين يوم  
 وليلة .. هنجاهد وهنتعود وربنا شكور وهيرزقنا اللذة  
 وإحنا على يقين من كده بفضلته وكرمه عز وجل ..





« **وكذلك في القرآن ..** هنتغل بنفس النظام لحد ما نوصل لمُرادنا من الورد بإذن الله .. وده كله بحول الله وقوته .. ولا حول ولا قوة لنا إلا بالله .. دا كله محض فضل من الكريم سبحانه وتعالى ..

© **يبقى نستعين بالله ، ونبدأ نشتغل ، وبلاش شغل الكسل والشماعات ..** واللي عايز يتغير وصادق مع الله في كده .. والله ربنا هيعينه وهيتغير .. واللي هيدور على مبرر للتقاعس هيلقي بدل المبرر ١٠٠!!

« **والناس اللي عندها إمتحانات ، الموضوع ده مش هياتر معاهم إطلاقاً ..** بل هيخليهم في نشاط دائم ويعلي همّتهم بإذن الله في المذاكرة كمان ..



« **يبقى إتفقنا** إنا بإذن الله هنبدا نشتغل ونجتهد في الطاعات في الفترة الجاية دي ، مش علشان نستعد لرمضان وبس .. لأ .. إحنا لازم في نفس الوقت نكون عارفين أهمية الإجتهد في شهر شعبان ..

« **شهر شعبان** من الأشهر الحُرْم ، وليه مكانة عظيمة بين الشهور .. والنبي ﷺ كان بيجتهد فيه في العبادة وخاصة عبادة الصيام ..



▶ قالت السيدة عائشة رضي الله عنها : ( ما رأيت رسول الله ﷺ استكمل صيام شهر إلا رمضان ، وما رأيته أكثر صياماً منه في شعبان ) متفق عليه

◀ ولما سأل النبي ﷺ عن كده قال :

عن أسامة بن زيد قال : ( قلت يا رسول الله : لم أرك تصوم من شهر من الشهور ما تصوم من شعبان ؟؟ قال ﷺ : ذاك شهر يغفل الناس عنه بين رجب ورمضان و هو شهر ترفع فيه الأعمال إلى رب العالمين وأحب أن يُرفع عملي وأنا صائم ) حسنه الألباني

☑ شهر شعبان من أهم شهور السنة .. بتترفع فيه أعمال السنة كلها لله عز وجل .. فرصة بقى تتوب علشان يترفع عنك فيه تقرير مشرف منور بالتوبة والأعمال الصالحة .. النبي ﷺ يقول :

(إنما الأعمال بالخواتيم) متفق عليه

◀ أنا لو قولتلك إن فيه تقرير هيترفع لمديرك في الشغل أو رئيس الجمهورية عنك .. يا ترى هيبقى شكلك إيه ؟؟

ياترى هتجتهد قد إيه علشان تحسن التقرير ده ؟؟



◀ لازم تلحق تطهر التقرير بتاعك قبل ما يُرفع لله عز وجل .. لازم تطهر صحيفتك من ذنوب ومعاصي الله وحده أعلم بيها ..

◀ وتخيل بقى لو توبت ، وتقرير مشرف اترفع عنك للمولى ﷺ .. تخيل ربنا ممكن يفتح عليك قد ايبيه؟؟!  
وممكن يرزقك ويباركلك قد ايه! فرصة عظيمة والله..  
► وكمان شهر شعبان فيه ليلة النصف من شعبان؛

◀ **انت عارف فضلها ايه ؟؟؟؟؟**

قال ﷺ : (إن الله ليطلع في ليلة النصف من شعبان ، فيغفر لجميع خلقه إلا لمشرك أو مشاحن) صححه الألباني  
◀ مش إنت عايز ربنا يغفرلك؟؟ أكيد طبعاً ..

طيب يلا طهر قلبك من أي حقد .. ربنا بيغفر لجميع الخلق إلا للمشرك والمشاحن .. المشاحن يعني اللي متخاصم مع أي حد .. وعلشان كده هنصحك وهقولك:  
 **لو متخاصم مع أي حد سامحه لوجه الله ..**

روحله واعتذرله .. واعفو عنه علشان ربنا يعفو عنك، ومتضيعش المغفرة من إيدك علشان حاجة زي دي ..  
سامح الناس ، وخلي قلبك أبيض بقى (:)





« لو ما عملتش؛ إوعى تقول أنا مش وش نعمة أو ربنا لا يريد لي الخير أو إنه مفيش فايده مني والكلام ده !!

❖ لا .. أبداً .. ده كله كلام شياطين ..

« زي ما قولنا ؛ في الأول هيبقى صعب جداً عليك ركعتين ؛ لكن مع الوقت هتلاقي النوافل كلها بقت أسهل ما يكون بإذن الله بإذن الله .. إوعى تياس !!

« ولو مقدرتش ؛ إدعي ربنا ، وحاول تاني وتالت وعاشر! وحط في دماغك إنه طبيعي جداً!!!! إنك تلاقي صعوبة في الأول ، لكن مع الوقت هتلاقي الأمر سهل ويسير .. شوية صبر بس في الأول ..

« ولازم تخلى فى بالك كمان حاجة مهمة :

**(أحب الأعمال إلى الله أدومها ؛ وإن قلّ)**

ربنا يثبت قلوبنا على الإيمان والتقوى .. اللهم آمين ..







## هتصوم؟ ولا زي كل سنة؟!

- ▶ لو سألتك : إنت هتصوم؟؟ ولا زي كل سنة؟!  
 ◀ **هتبتسم وتقول** : قديمة ( : هصوم زي كل سنة ..  
 ▶ هقولك : لأ يا حبيب قلبي .. ولا يا أختي ..  
 إحنا مش عايزين نصوم زي كل سنة ..!!  
 ◀ **هتقولي** : إزاي يعني الكلام ده ???  
 ▶ هقولك : بص يا حبيب قلبي .. في ناس كتير مش  
 عارفة معنى الصيام ..!! يمكن ناس كتير عايشة بقالها  
 ٣٠ و ٤٠ و ٥٠ سنة ، ناس بقالها سنبيبييين بتصوم ؛  
 بس للأسف مابتعرفش تصوم !!!  
 بيصوموا صيام ناقص ، إلا من رحم الله ..  
 ◀ **هتقول** : هو فيه صيام ناقص وصيام كامل ???  
 ▶ هقولك : هو إنت هتصوم إزاي؟؟  
 ◀ **هتقول** : هصوم عن الأكل والشرب لحد المغرب ..  
 ▶ هقولك : بس كده؟؟  
 ◀ **هتقول** : إيه؟! هو فيه فتوى جديدة طلعت غير كده؟  
 ▶ هقولك : لأ .. مفيش فتوى ولا حاجة ؛ بس إنت  
 كده صيامك ناقص .. يعني إيه ناقص بقى؟؟





﴿ **الصيام يا شباب** مش مجرد الإمتناع عن الطعام والشراب من الفجر للمغرب ..الصيام أعظم من كده بكتير ..

« قال رسول الله ﷺ : **( ليس الصيام من الأكل والشرب ؛ إنما الصيام من اللغو والرفث )** صححه الألباني  
« وقال رسول الله ﷺ :

**( رُبَّ صائم ليس له من صيامه إلا الجوع ، ورُبَّ قائم ليس له من قيامه إلا السهر )** صححه الألباني  
« وقال ﷺ أيضاً :

**( من لم يدع قول الزور والعمل به فليس لله حاجة في أن يدع طعامه وشرابه )** رواه البخاري

♦ ليس لله حاجة في أن يدع طعامه وشرابه ؛ يعني الصيام بتاعه مفيش منه فائدة ..ملهوش لازمة ؛ طالما هو لسه مُصّر على قول الزور والكذب ..إلخ ...!!  
« قال الصحابي الجليل جابر بن عبد الله ﷺ :

**[ إذا صمت ؛ فليصم سمعك ، وبصرك ، ولسانك عن الكذب والمائم ، ودع أذى الجار ، وليكن عليك وقار وسكينة يوم صومك ، ولا تجعل يوم فطرك ويوم صومك سواء ] .**





ⓧ وده مش معناه إنك تقعد تبص ربع ساعة وتقول دي النظرة الأولى !! إنت هتضحك على مين ؟؟ الموضوع بسيط بإذن الله .. بس إنت جاهد نفسك .. جاهد نفسك .. قول لنفسك أنا صايم صايم صايم .. تيجي بنت تعدي قدامك .. تفتكر عينك إنك صايم وتقوم غاضض بصرك وتقول مش هبص ..

« **وإنتي كمان يا أختي .. لازم تغضّي بصرك ..**

هتقولي : اللي أعرفه إن غض البصر للرجال بس !! هقولك : لأ طبعاً .. زي ما الرجل ربنا أمره إنه يغض بصره عن النساء ؛ المرأة كذلك ربنا أمرها إنها تغض بصرها عن الرجال .. والآيتين ورا بعض على طول في سورة النور .. قال تعالى :

( قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَزْكَى لَهُمْ إِنَّ اللَّهَ خَبِيرٌ بِمَا يَصْنَعُونَ ﴿٣٠﴾ )

وَقُلْ لِلْمُؤْمِنَاتِ يَغْضُضْنَ مِنْ

أَبْصَارِهِنَّ وَيَحْفَظْنَ فُرُوجَهُنَّ وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا ( سورة النور: ٣٠-٣١ )











## إوعى تكون مُسلسل !!

التليفزيون في رمضان = مسلسلات !!!  
 سبحان الله .. المسلسلات موجود طول السنة .. بس في رمضان ، لازم أهل الباطل يبذلوا أقصى جهد علشان يسلسلوا الناس قدام التليفزيون بكمية مسلسلات رهيبية متلاحقش أصلاً عليها من كترتها .. وعلشان كده بقولك:

→ إوعى تكون مُسلسل ومربوط قدام

التليفزيون في رمضان ..!!!

◀ هتقولي : ما هو لازم بالنهار أسلي، صيامي وبالليل أسلي سهرتي !!  
 ◀ هقولك : يا أخي وهو مفيش حاجة غير المسلسلات تسلي بيها صيامك ؟؟؟؟!! خلى عندك شوية عقل ..!  
 أنا مش هقولك حلال ولا حرام ..  
 بس بالراحة كده .. عايزك تجاوبني على الكام سؤال دول .. وياريت تجاوبهم أولاً بعقلك ..  
 ومنتفق على كام حاجة كده وبعدين نتكلم ..



• لو عندك إمتحان ثانوية عامة وفاضل على الإمتحان شهر واحد ، ياترى هتتفرج فى الشهر ده على مسلسلات ؟؟؟؟؟؟

• لو دخلت مسابقة من سيربح المليون وووووون! وقدامك شهر واحد بس ، وطبعاً حضرتك عمال تذاكر كلمتين عشان طمعان فى المليون ، ممكن تسيب ده وتتفرج على مسلسلات ؟؟؟؟؟؟

• لو اتقدملك عرض من شركة معينة إنك تفرغ نفسك لمدة شهر بعد شغلك ، مقابل مبلغ ١٠ الاف جنيه أو حتى ٥ أو ٣ ؛ ساعتها ممكن تضيع العرض وتتفرج على مسلسلات ؟؟؟؟؟؟

• لو هتناقش رسالة الدكتوراة ، أو ... ، أو .....

❖ **خلاصة الكلام ..** ساعتها طبعاً هتقول أخلص

المهمة اللى فى إيدى وأعدى الشهر الأول ..  
والمسلسلات أهي بتتعاد طول السنة ! مش كده ؟؟

✓ **ويبقى إحنا كده اتفقنا على أول نقطة :**

« لو فيه حاجة مهمة ، وهدف عايز تحققه فى شهر مش هتهتم بالمسلسلات ، ولو كنت مدمن مسلسلات برضه هتسيبها وتشوفها فى الإعادة بعد الشهر، تمام؟



## طيب.. هو انت مش لاقى ليك هدف فى رمضان؟؟؟

◀ يعنى العتق من النار لا يساوى ٣٠٠٠ جنيه أو

مسابقة أو أي هدف دنيوى تانى ؟؟؟!!!!!!

◀ **وهنا .. ممكن حد يقول :** بس أنا بتابع مسلسلات

كويسة وليها هدف !! يعنى مفيهاش حاجة ومش

هيحصل حاجة لو شوية طاعات وشوية مسلسلات؟؟

◀ طيب أنا مش هرد .. هسيبك إنت ترد على نفسك

-**المسلسلات المحترمة الهادفة اللي إنت بتتكلم عنها؛**

◀ مش فيها نساء بدون حجاب ورويتهم حرام ؟

◀ مش فيها موسيقى وأغاني ؟

◀ مش فيها قصص حب حرام وصحوبية؟؟

◀ مش فيها إنك بتضيع فرصة رمضان بكل ما فيها

وإنت ماكنتش هتعمل كده مع أي حاجة دنيوية؟؟

- **وخذ السؤال ده وجاوب إنت بنفسك :**

◀ إحنا عارفين إن أي حاجة بنعملها ؛ إما فى ميزان

حسناتنا أو ميزان سيئاتنا ؟ المسلسلات هتبقى فين؟؟؟

▶ أكيد مش ممكن تبقى مع القرآن والصلاة والصيام

والدعاء والصدقة ... عرفت هتبقى فين ؟؟؟؟؟

**ليه نعمل كده؟؟؟ وايه الفائدة؟؟؟؟؟**



✓ بالله عليك أنوي بصدق لوقتي إنك مش هتتفرج على أي مسلسلات السنة دي .. خسارة تضيع وقتك في معصية والناس بتطيع ربنا !

**إوعى تكون بعيد في وقت الناس كلها بتحاول تقرب!**

✗ ولو إنت حريص على المعاصى أوي وخايف جداً لسيناتك تقل .. أحب أطمّنك .. متخفش يا سيدي .. كل المسلسلات بتتعاد بعد رمضان .. مش هيفوتك الوزر!

**بس بالله عليك بلاش في رمضان ... !!**

☛ الناس كلها بتتمنى تموت على طاعة ..

الناس كلها بتتمنى تموت في شهر رمضان ..

**ياترى إنت لو مت في رمضان تحب تموت قدام مسلسل !!**

☞ أنا عايزك تخاف على حسناتك .. إنت طول النهار صايم وعمال تقرأ قرآن وتذكر الله وتتصدق .. بلاش تضيع كل ده قدام التلفزيون !!

تاخذ شوية حسنات وترجع تضيعهم تاني !!؟؟

**سبحان الله .... ليه كده ؟؟؟؟**

**إنت مستخسر الحسنات اللي أخذتها ؟؟؟!!**



## من هنا البداية ..

✓ عايزين نصوم رمضان جديد بلا معاصي يا شباب

◀ عندنا قاعدة فقهية بتقول :

**إذا عظم الداعي وإمتنع الفعل ؛ عظم الأجر !!**

**وإذا ضعف الداعي وتم الفعل ؛ عظم الوزر !!**

◀ يعني إيه الكلام ده بقى ؟؟؟؟

◀ يعني لو واحد الظروف اللي حوالية كلها بتهيء له

المعصية ومع كده معملهاش يبقى أجره كبير .. زي

قصة سيدنا يوسف وإمرأة العزيز اللي كلنا عارفينها ..

أما لو واحد الظروف اللي حوالية بتهيء له الطاعة ،

يعنى مفيش داعي إنه يعمل معصية ؛ ومع ذلك عملها

يبقى الوزر كبير ..

◀ يعني .. في رمضان الشياطين متسلسلة ، وأبواب

النار مقفولة ، وأبواب الجنة مفتوحة ، والناس بتتسابق

فى الخير والطاعات .. واحد بيختم قرآن وواحد بيقم

ليل وواحد بيتصدق و.....و.....

لو إنت عصيت ؛ هيبقى الوزر كيبيبيبيبيبيبيبير ؛

**لأن الجو كله جو طاعة !!**



﴿ عايزين يبقى شعارنا : **إلا رمضان !!** ﴾

﴿ معقول؟! معقول هتعصي ربنا والناس بتطيعه؟!  
لتاني مرة هقولك :

**إوعى تكون بعيد فى وقت الناس كلها بتحاول تقرب!**

﴿ أنت مش وحش قوى كده ??? أنت فيك خير ،  
ولا يُحرم الرحمة في رمضان إلا محروم شقي ..

**فبلاش تكون أنت منهم !!!**

﴿ ياللا يا شباب .. كلنا هنقول بصوت عالي ..

**لا للذنوب في رمضان وفي غير رمضان ..**

لا للشات ، لا للمواقع التي تغضب الله ، لا للصحوبية ،  
لا لإطلاق البصر ، لا للمسلسلات والأفلام ، لا للأغاني  
لا للتدخين ، لا لقطيعة الرحم ، لا للغيبة ، لا للنميمة ،  
لا للغش والكذب ، لا لسوء الخلق ..

**لا وألف لا .. لكل ما يغضب الله ..**





❖ **مقولش صعب ..** شهر واحد قاطع فيه الذنوب  
وإن شاء الله ربنا هيقبلك وهيتوب عليك بعد الشهر  
وتلاقي نفسك مش عايز ترجعلها ..

❖ **إعتبر نفسك فى مأمورية ،** هتسافر لمدة شهر  
وهتقبض مبلغ كبير ، ولكن في السفر ده مش هتاخذ  
معك الموبايل ولا التليفزيون ولا الكمبيوتر .. عادي  
يعني .. بس المأمورية دي هتصلح حياتك وتخليك  
تكسب دنيتك وآخرتك !..

♥ قال الله تعالى : ( **قُلْ يَٰعِبَادِىَ الَّذِينَ أَسْرَفُوا عَلَىٰ**

**أَنفُسِهِمْ لَا تَقْنَطُوا مِن رَّحْمَةِ اللَّهِ ۚ إِنَّ اللَّهَ يَغْفِرُ**

**الذُّنُوبَ جَمِيعًا ۚ إِنَّهُ هُوَ الْغَفُورُ الرَّحِيمُ** ) الزمر: ٥٣

♥ ربنا ماقلش الذين أذنبوا مرة أو إثنين أو ثلاثة؛

لا .. قال ( **الَّذِينَ أَسْرَفُوا** ) فاهم يعني إيه أسرفوا ؟؟؟

♦ **يعنى أذنبوا كتييييييييييير وعصوا كتييييييييييير**  
وعملوا كل المعاصي .. نويت تتوب ولا لسه ؟؟

وهو فيه حد بعد كل ده لسه مانواش؟ طيب ياللا إبدأ  
معانا وتعالى نشوف إزاي هشتغل صح في رمضان..



## همة عالية ..

◀ قال الله تعالى :

( وَسَارِعُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا  
السَّمَوَاتُ وَالْأَرْضُ أُعِدَّتْ لِلْمُتَّقِينَ ) آل عمران: ١٢٣

◀ وقال النبي ﷺ : [ التَّوَدُّة ( أي التَّائِي ) في كل  
شيء خير ، إلا في عمل الآخرة ] صححه الألباني

◀ وقال ﷺ أيضا : [ ثر الناس يعملون ؛ فإن في  
الجنة مائة درجة ، ما بين كل درجتين كما بين  
السماء والأرض ، والفردوس أعلى الجنة وأوسطها  
وفوق ذلك عرش الرحمن ومنها تفجر أنهار الجنة ؛  
فإذا سألتم الله فاسألوه الفردوس ] صححه الألباني

- ☑ لازم يبقى عندك همة عالية .. حتى وإن بتطلب  
الجنة .. متطلبش أي منزلة في الجنة وخلص ..  
قول يارب ارزقني الفردوس الأعلى ..
- ☑ لازم يبقى عندك همة عالية .. متسيبش باب خير  
مفتوح قدامك إلا وتدخل فيه .. متفوتش ثانية إلا  
وتغتتمها في زيادة رصيد حسناتك ..







❁ وأيضاً من الحاجات اللي هتعينك وتساعدك على صلاة التراويح والقيام والتغيير في رمضان .. بل هتساعدك في تغيير حياتك كلها .. هي :

## ☑ تَدَبُّرُ وَفَهْمُ الْقُرْآنِ ..

لازم رمضان السنة دي نعيش فيه القرآن يا إخواني ..

▶ لازم نحسّ بالقرآن .. لازم القرآن يغيرنا ..

▶ لازم يا حبيب قلبي تربط قلبك بالقرآن ..

▶ لازم يا أختي تعلقي قلبك بالقرآن ..

◀ لازم نفهم القرآن في رمضان السنة دي يا شباب ..

**فرق شaaaaaaaaااع .. فرق كبيبيير .. فرق لا يوصف ..**

بين اللي بيقرا القرآن أو بيسمعه وهو فاهم ..

وبين واحد تاني مش فاهم أي حاجة !!

❁ **عدم فهم القرآن** من أخطر الأسباب اللي بتخليك

مش خاشع في الصلاة ، وبتخليك تتعب بسرعة وتملّ

وتزهق من صلاة التراويح لو الإمام طولّ شوية !!

◀◀ يا أخي ده إنت كل يوم بتقرأ ( اللَّهُ أَلْصَّمَدُ ) ،

مسألنش نفسك في مرة يعني إيه [ **الصد** ] ???



« كل يوم بتقرأ (قُلْ أَعُوذُ بِرَبِّ الْفَلَقِ) ،»

ماحييتش في مرة تعرف يعني إيه [ الفلق ] ؟؟  
 ( وَمِنْ شَرِّ غَاسِقٍ إِذَا وَقَبَ ) ،»

يعني إيه [ غاسق ] ؟؟ ويعني إيه [ وقب ] ؟؟

➤ لحد إمنى هنفضل مش عارف معنى كلام ربنا؟

➤ لحد إمنى هنفضل جاهل باهم شئ ممكن يقاب

حيالك وبغيرها ١٨٠ درجة ..؟؟

▶ لازم توثق علاقتك بالقرآن .. لازم تفهم معانيه ..  
 لازم تتدبر الآيات .. لازم القرآن يدخل قلبك ..

☑ **والله العظيم لو آية واحدة من كتاب ربنا**

**دخلت قلبك بيقين ، حيالك هننغير بالحامل ..**

« من دلوقتي لازم تشتري كتاب تفسير .. هات كتاب التفسير للشيخ عبد الرحمن السعدي .. كتاب بسيط وأسلوبه سهل جداً وسعره مش غالي .. وإبدأ اقرأ فيه من دلوقتي ؛ علشان تدخل رمضان وإننت فاهم قرآن ..



✘ مش عايزين ندخل رمضان في سباق مين هيقرا أكثر، ونخرج وإحنا زي ما إحنا مفيش آية أثرت فينا !  
مفيش آية دخلت قلوبنا ولا غيرت حاجة فينا !!

• بقالك كام سنة بتختم المصحف في رمضان أكثر من مرة وتخرج من رمضان وإنت زي ما إنت !!

✓ لازم يا شباب نقرأ بالراحة ونتدبر ونتأمل في الآيات سواء في القراءة العادية أو في قيام الليل ..  
النبي ﷺ والصحابة والسلف كانوا ممكن يقيموا الليل كله بآية واحدة !!

**إنت متخيل ..؟؟؟ إنتى متخيلة؟؟ آية واحدة؟؟!!**

▶ **آيه واحدة ..** ولكن بيعدوا يكرروها طول الليل ..

▶ **آية واحدة آه ..** بس تأثيرها على القلب أشد من

قراءة المصحف كله بدون تدبر !!!

◀ **علشان كده لازم يكون ليك وقفة مع كتاب ربنا ..**

**عيد وكرر الآيات ..** كل آية بنتكلم عن الجنة .. كل آية

بنتكلم عن النار .. عن رحمة ربنا .. عن عذاب ربنا ..

عن عظمة ربنا .. كل آية بتزود يقينك .. كررها ..

وإبكي وعيش القرآن صح بقى ..



«**ومتخفش ..** مش هتضيع برده الثواب في إنك ماختمتش كتير .. بل هتاخذ ثواب أكبر بإذن الله .. هتاخذ ثواب القراءة ، والتكرار ، والتدبير ، وصلاح القلب ، والمجاهدة في العبادة .. سبحان الله !»

«**وفي صلاة القيام ..** ممكن تمسك سورة صغيرة وتقرأ بيها طول الليل .. أي سورة بتأثر فيك .. سورة الطور .. ق ، الحاقة ، القيامة ، النازعات ، الزلزلة ..»

« و خليك فاكرك كويس ..»

☑ **لو آية واحدة دخل معناها في قلبك وشرب الايمان**

**اللي فيها ؛ هتكفيك بإذن الله ..**

**متحمي قلبك بعد كده من كل الفتن والشهوات بإذن الله**

► وبالنسبة للناس اللي هتسأل إزاي نقضي اليوم في رمضان ؟ ◀ أنا مش عايز أفرض عليك جدول معين ،

**أنا بس عايز أنبه على شوية نقط مهمة جداً :**

① **الفترة قبل آذان المغرب .. قبل الفطار .. من أفضل الأوقات اللي الدعاء فيها مستجاب ولا لازم تغتتمها .. إرفع إيدك وأطلب ما تشاء من خير الدنيا والآخرة ..**

وياريت متسانيش وكل المسلمين من الدعاء (:)



- 2 صلاة المغرب لازم تكون في المسجد .. افطر على تمر وروح صلي وارجع كمل أكلك .. وبلاش تتقل في الأكل علشان تعرف تصلي التراويح بقلب حاضر !!
- 3 الفترة بين المغرب والعشا لازم تستغفها .. إقرأ فيها قرآن .. إقرأ فيها تفسير الجزء اللي هيتقري بالتراويح إنهارده .. وإوعى تقول هنام وهصحى أصلي العشا (:)
- 4 حاول تصلي في مسجد فيه شيخ إنت بتخشع لما تسمع قراءته، وبعد التراويح بلاش تقف مع حد علشان متضيعش الليلة منك .. وحاول تنام بدري علشان القيام لازم تتسحر ولو على ميه، متضيعش ثواب السحور
- 5 حافظ على جلسة الضحى والجلوس في المسجد بعد الفجر علشان تاخذ ثواب الحج والعمرة ..
- 7 وإنت رايح شغلك جدد النية علشان تاخذ الثواب ..
- 8 أكثر من الصدقات، وإحرص على تفتير الصائمين.
- 9 الإعتكاف عناية مركزة لازم قلبك يدخلها ، لازم تعتكف ؛ وخاصة إنه بفضل الله مبقاش فيه موانع أمنية زي زمان .. لاالزم تعتكف ولو هتاخذ أجازة !
- 10 إحرص على تحري ليلة القدر والإجتهد في العشر الأواخر كلهم؛ علشان تكون من الفائزين في ليلة العمر



## قبل الختام ..

◀ قبل ما نختم .. تعالوا نشوف المشهد ده ..  
( حسام قاعد قدام الكمبيوتر ، وجنبه صاحبه طارق )

حسام: سامحنى يارب .. اغفر لي يارب ..

**طارق:** ما لك يا بني ؟؟ إنت بتعمل إيه بالظبط ؟؟

حسام: أصل أنا بأنسخ كل الصور والأفلام اللي مش  
ولا بد على الفلاشة دي ..

**طارق:** دي فلاشة ٨ جيجا .. !! عندك ٨ جيجا أفلام

وصور مش مضبوطة !

حسام: يا عم هو ٨ جيجا حاجة ..!! وبعدين أنا

بأنسخها في رمضان علشان نفس الواحد ما توزوش

إنه يتفرج علي حاجة والواحد صايم ، مش عايز

صيامي يضيع علشان فيلم ولا صورة ؟

**طارق:** طيب ما تمسحها خالص من على الجهاز ؟

حسام: حرام عليك ! ده أنا تعبت جداً على ما جمعتهم

**طارق:** والصيام اللي إنت خايف عليه ؟؟؟؟؟؟؟

حسام: ما أنا في رمضان مش هتفرج .. ولما يخلص

رمضان هارجعهم .. ومتعقد هاش بقى يا عم طارق !!



► مش عايزين المشهد ده يبقى حال حد فينا يا شباب

☑ **إنت هتتغير في رمضان ، وبإذن الله هتثبت بعده**  
 عارف ليه ؟؟ لأنك بإذن الله في نهار رمضان هتبتل  
 تسمع أغاني وتبتل تتفرج على الأفلام والمسلسلات  
 وتبتل تخرج مع البنات، علشان خايف على صيامك!  
 وفي ليل رمضان هتبتل تقعد على القهوي وتسهر  
 في الخيم الرمضانية وتبتل تشيت مع البنات على  
 الفيس ، علشان خايف على رمضان !

**لازم بعد رمضان هتتغير، لازم رمضان ياتر فيك**

♥ إنت كنت وإنت صايم بتراقب ربنا في أصغر شئ  
 لو شوية ميه دخلوا في فمك وإنت بتتمضمض بتقعد  
 تبصق علشان تطلعهم .. مع إنك ممكن تبلعهم  
 و محدش شايفك .. **بس إنت بتراقب ربنا ..**

☑ **يبقى لازم يستمر المعنى ده في قلبك بعد رمضان**  
 إنت في رمضان كنت بتصلي وتقرأ قرآن وتشارك في  
 الخير .. **وربّ رمضان هو ربّ بقية السنة ..**  
 لازم تستمر على الصلاة والقرآن والخير طول عمرك

**لازم تستعد وتجهز لليوم اللي هتقابل فيه ربك!**





► أنت عمال تقول إنك مش قادر تبطل معاصي وإن  
معدكش إرادة .. وده كله والله وهم × وهم !!

## انت قدرت تصوم عن الحلال ٣٠ يوم متواصلين!

- ☑ هتقدر بإذن الله تبعد عن كل حرام .. هتقدر تتغير  
في رمضان وتثبت بعد رمضان بإذن الله ..
- ☑ هتقدر يا אחتي تقاومي نفسك وشيطانك ، وتغيري  
البيدي والبنطلون وكل اللبس اللي يغضب ربنا ..
- ☑ هتقدر يا אחي تغض بصرك وتصون قلبك ..

## هتقدر يا شباب ..

- ◀ بارادتنا هتقدر نغير كل حاجة غلط في حياتنا ..  
بس محتاجين نعقد النية .. ونستعين بالله ..
- محتاجين نخلي دائماً عندنا هدف .. ومفيش هدف  
أسمى وأنبل وأجمل وأعظم من رضا ربنا ..
- ربنا اللي يريد لنا إننا نعيش أحلى وأسعد حياة ..

## أحلى حياة في طاعة الله

[www.goodwayinlife.com](http://www.goodwayinlife.com)

